

banc dans ladicte esglise et la sepulture de luy et des siens soubz ledict banc. Jogniant la muraille de ladicte esglise au droict et au dessoubz de ladicte fenestre dont luy a esté passé contract par les consuls en l'an 1592.

Messire André Philippi, presbtre en ladicte esglise, a faict fere la vitre ou est peinte l'imaige de Nostre Dame a la fenestre pres du clochier ou souloit avoir vng autel et chapelle soubz le nom de Nostre Dame de Grand Confort (6), de laquelle ledict messire Philippi est prebandier.

Mathieu Delaplace, tallieur d'abistz, natif de la parroisse de Chauanay, habitant à Condrieu, a faict fere les fondz pour seruir à baptizer les enfans avec le chapiteau de noier au dessus posés contre le premier pillier de l'esglise du couste du sementiere, moiennant quoy luy a esté accordé par les consulz vng vas et place dans ladicte esglise pour la sepulture de luy et des siens contre la muraille de ladicte esglise près la chapelle S^t Pierre, en l'an 1597 (1^o 115. V^o) (7).

DIFFICULTÉS JUDICIAIRES DE LA VILLE

1589. — Le premier jour de l'an 1589, le S^r Estienne Guillot, bourgeois de ceste ville, fut esleu consul quy declaira ne vouloir accepter la charge, sinon que le S^r Charles Chol continuat le Consulat avec luy à cause des grandz afferes et procès que la communaulté auoit, ausquels ledict Chol estoit instruit. Parquoy fut de rechief esleu et prié très instamment d'accepter ladicte eslection et continuer

(6) Ce nom de *N.-D. du Grand-Confort* existe aussi à Lyon et dans plusieurs villes du Midi.

(7) Suit une ligne coupée par la maladresse du relieur.